



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK
**Stručna služba za poslove Općinskog
vijeća i Općinskog načelnika**



Vogošća, ul. Jošanička br. 80, tel: 00387 33 586 413, 586-409, fax: 586-407, 586-444

Broj: 12-04-sl./24
Vogošća, 03.12.2024. godine

VIJEĆNIČKA PITANJA
POSTAVLJENA NA 1. REDOVNOJ SJEDNICI OPĆINSKOG VIJEĆA VOGOŠĆA
održanoj 02.12.2024. godine

Vijećnik **Džano Emina (u ime Kluba vijećnika NiP)** postavila je slijedeće vijećničko pitanje:

1/1. Postavljam pitanje nadležnoj općinskoj službi šta se konkretno uradilo na rješavanju problema pasarele u Hotonju? Napominjem da je pasarela iz dana u dan u sve lošijem stanju, inicijativu o rješavanju navedenog problema smo u prethodnom mandatu pokretali u više navrata, ali nažalost bez konkretnih rješenja. Naglasit ću samo još jednom da pasarelu svakodnevno koristi veliki broj ljudi, među kojima je mnogo djece. Molim vas da ne dozvolimo da se desi nezgoda, pa da tek onda djelujemo! Bez obzira kolika je vrijednost sanacije, definitivno nije vrijedna jednog ljudskog života.

Vijećnik **Škoro Hamdija (u ime Kluba vijećnika Naprijed BiH)** postavio je slijedeće vijećničko pitanje:

1/2. U ime građana Vogošće, odnosno ulice Spasoja Blagovčanina postavljam pitanje kada će se pristupiti saniranju rasvjete i kada će ista biti u funkciji.

Vijećnik **Bogilović Enis (u ime Kluba vijećnika NiP)** postavilo je slijedeće vijećničko pitanje:

1/3. Na lokaciji Orahov brijeg bb kod "dječjeg igrališta" (mještani izgradili teren za fudbal) iz pravca Poljina do te lokacije izliva se kanalizacija i fekalije. Kada će se uraditi sanacija postojećeg lokaliteta, mašine koje su bile i radile na ucjevljenju kanalizacione mreže više se ne nalaze na lokaciji.

Vijećnik **Hebib Armin (u ime Kluba vijećnika SDP)** postavio je slijedeća vijećnička pitanja:

1/4. Koliko se okvirno na godišnjem nivou izdvaja sredstava za printanje materijala za sjednice i radna tijela Općinskog vijeća, odnosno koliko je budžetskih sredstava okvirno potrošeno u proteklom mandatu.

Obrazloženje:

U predhodnom periodu prateći rad sjednica ostao sam šokiran količinom materijala koji se printa za potrebe sjednica, posebno imajući u vidu da Grad Sarajevo, Općina Stari Grad i Općina Centar materijal za sjednice i radna tijela šalju elektronskim putem. Prije podnošenja inicijative za digitalizaciju ovog procesa volio bih znati koliko ušteda Općina Vogošća može ostvariti prelaskom na elektronsko slanje materijala.

1/5. Da li je još u funkciji otvoreni „kutak“ za organizaciju civilnog društva koji se nalazi u Šalter sali Općine.

Obrazloženje:

U Općini Vogošća 2020. godine je u okviru Regionalnog programa lokalne demokratije na Zapadnom Balkanu otvoren kutak za organizaciju civilnog društva. Primjećeno je kako neke od organizacija civilnog društva koje djeluju u općini nemaju niti svoj prostor niti potrebnu infrastrukturu i to im otežava rad, prijavljivanje na javne pozive, kao i implementaciju projekata. U tom smislu obezbijeđen je jedan radni sto sa stolicom, te kompjuter sa printerom koji se nalazi na pristupačnom mjestu u zgradi Općine i predstavlja mjesto gdje će se organizacije civilnog društva moći upoznati sa radom Općine, javnim pozivima koje Općina Vogošća

objavljuje kao i pripremiti projektne aplikacije za općinske javne pozive. Pristup ovom kutku organizacije su imale u toku radnog vremena Općine Vogošća. Primjećeno je da kompjuter trenutno nije u funkciji, kao ni printer, pa stim u vezi postavljam navedeno vijećničko pitanje.

Vijećnik **Gluhović Alija (u ime Kluba vijećnika Naprijed BiH)** postavio je slijedeće vijećničko pitanje:

1/6. Zašto se ne čisti snijeg u ulici Šipska, krak na kraju ulice. I postoji li mogućnost da se ista uvrsti u plan čišćenja.

Vijećnik **Piknjač Admir (u ime Kluba vijećnika NIP)** postavio je slijedeće vijećničko pitanje:

1/7. U ime stanovnika MZ Hotonj, konkretno ulice Mitra Šućura od broja 168. do broja 242. pitam nadležnu općinsku službu kada će doći do sanacije i izmjene vodovodnog sistema, te asfaltiranja ulice.

Obrazloženje:

Na pomenutoj ulici od broja 168. do broja 242. nisu bili riješeni imovinsko-pravni odnosi, te pomenute radnje na ovom dijelu ulice Mitra Šućura nisu mogle biti realizovane. Obzirom da su imovinsko-pravni odnosi riješeni, stanovnici traže odgovor kada će doći do realizacije ovog dijela ulice.

Dostaviti:

1. Naslovu
2. a/a

RUKOVODILAC
STRUČNE SLUŽBE ZA POSLOVE
OPĆINSKOG VIJEĆA I OPĆINSKOG
NAČELNIKA

Melisa Kršo



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK
**Stručna služba za poslove Općinskog
vijeća i Općinskog načelnika**



Vogošća, ul. Jošanička br. 80, tel: 00387 33 586 413, 586-409, fax: 586-407, 586-444

Broj: 12-04-sl./24
Vogošća, 03.12.2024. godine

**INICIJATIVE POKRENUTE
NA 1. REDOVNOJ SJEDNICI OPĆINSKOG VIJEĆA VOGOŠĆA
održanoj 02.12.2024. godine**

Na 1. redovnoj sjednici Općinskog vijeća vijećnik **Pašagić Almir (u ime Kluba vijećnika SDP)** pokrenuo je slijedeće inicijative:

1/1. Pokrećem inicijativu za promjenu limenih ploča kod kružnog toka (hotel „Sunce“).

Obrazloženje:

Na lokaciji kod kružnog toka, a u neposrednoj blizini dva hotela „Sunce“ i „Home Store“ se nalazi ograda u vidu limenih ploča koje izgledom ne dolikuju mjestu na kojem se nalaze. Na kružnom toku prolazi jako puno automobila, a posebno turisti koji ulaze u Sarajevo, glavni grad Bosne i Hercegovine. Predlažem da limene ploče (ograda) budu zamjenjene sa pristojnom ogradom u vidu zelenog pojasa, u vidu borova, jela ili tuja.

1/2. „Pokrećem inicijativu za postavljanje mjerača kvalitete zraka sa centralnim displejom za prikazivanje vrijednosti kvalitete zraka, trenutnog vremena i temperature.

Obrazloženje:

Grad Vogošća je specifičan po ogromnom broju automobila koji sporo prolaze kroz centralni dio Vogošće i enormno zagađuju zrak. Veliki dio domaćinstava koristi ugalj kao energent za zagrijavanje i tako dodatno zagađuju zrak. Grad Vogošća kao dio sarajevske kotline nema cirkulatorne koridore, te tokom više mjeseci u godini zrak bude kontaminiran raznim štetnim agensima. Potrebno je nabaviti i instalirati više mjerača zraka, kako bi sa više lokacija dobivali informacije o zagađenosti zraka i iste prikazivati na centralnom displeju. Život u zagađenom vazduhu, stres u saobraćaju, administrativne prepreke u biznis programima su pokretač mnogih bolesti i ideja za odlaskom iz ove lijepe naše domovine.

Vijećnik **Škoro Hamdija (u ime Kluba vijećnika Naprijed BiH)** pokrenuo je slijedeće inicijative:

1/3. Pokrećem inicijativu da nadležna općinska služba izvrši sve potrebne radnje neophodne da na autobuskom stajalištu kod taxi štanda bude postavljen sat koji je nekad tu bio.

1/4. Pokrećem inicijativu da se naprave stepenice za silazak pored MUP-a, jer kad se pređe pješački prijelaz kod DZ Vogošća, građani nemaju gdje tj. moraju obilaziti da bi došli do Općine ili MUP-a.

Vijećnik **Hebib Armin (u ime Kluba vijećnika SDP)** pokrenuo je slijedeće inicijative:

1/5. Pokrećem inicijativu za pravljenje Budžeta za građane.

Obrazloženje:

Godišnji budžet je obično veoma kompleksan dokument koji je teško razumljiv velikom dijelu javnosti i upravo zbog toga bi Općina trebala biti ta koja će pomoći građanima da razumiju budžet. Nije najvažnije da budžet bude dostupan javnosti već je podjednako važno da budžet bude pristupačan i razumljiv javnosti. Budžet za građane dobra je praksa promocije našeg budžeta, ali i približavanja rada Općine građankama i građanima. Budžet za građane bi zapravo trebao predstavljati neku vrstu pojednostavljenog budžetskog dokumenta čija je

osnovna karakteristika da je kreiran tako da bude dostupan i razumljiv velikom dijelu populacije. Druge općine prave Budžet za građane, a i drugi nivoi vlasti. Nema razloga da i mi to ne radimo isto.

- 1/6.** Pokrećem inicijativu za postavljanje registra vijećničkih pitanja i inicijativa na web stranicu Općine Vogošća.

Obrazloženje:

Ovu inicijativu tražim prije svega zbog potrebe da Općinu Vogošća učinimo transparentijom, a rad vijećnika i vijećnica javnom, što je jedna od obaveza prema ljudima koji su nas birali/e. Građani imaju priliku jednom u četiri godine birati svoje predstavnike u Općinsko vijeće, međutim smatram da građani trebaju pratiti rad vijećnika u tom periodu. Volio bih kada bi se ovo uradilo po uzoru na Općinu Centar Sarajevo. Imamo priliku da ovu inicijativu usvojimo na 1. redovnoj sjednici i da našim sugrađanima omogućimo da prate rad vijećnika od početka mandata novoizabranog Općinskog vijeća.

Vijećnik **Omerović Denis (u ime Kluba vijećnika SDP)** pokrenuo je slijedeće inicijative:

- 1/7.** Pokrećem inicijativu za izradu jedinstvenog obrasca za vijećnička pitanja i inicijative, a koji bi se mogao preuzeti na službenoj web stranici Općine Vogošća.

Obrazloženje:

Ovim prijedlogom želimo inicirati izradu jedinstvenog obrasca za podnošenje vijećničkih inicijativa i pitanja, koji bi bio dostupan za preuzimanje na službenoj web stranici Općine, a po uzoru na druge općine. Ovaj obrazac bi omogućio jednostavan, jasan i standardiziran način za podnošenje svih vijećničkih pitanja i inicijativa, a što će olakšati vijećnicima i administrativnim službama u pripremi materijala za sjednice.

- 1/8.** Pokrećem inicijativu za uklanjanje/izmještanje stubova za uličnu rasvjetu na dionici uz regionalni put Semizovac-Donja Vogošća, a koji se nalaze na samom trotoaru.

Obrazloženje:

Na trotoaru koji se nalazi uz dionicu regionalnog puta Semizovac-Donja Vogošća, a koji je cijelom dužinom ograđen bankinom, nalazi se nekoliko stubova za uličnu rasvjetu, koje je potrebno ukloniti ili izmjestiti, jer je širina prolaza na tim mjestima do nekih 30-40 cm. Samim tim, prolaz invalidnih lica u kolicima ili lica sa drugim pomagalicama, dječijih ili drugih kolica, pa čak i biciklista, onemogućen je i totalno spriječen. Ova promjena bi značajno unaprijedila sigurnost pješaka, poboljšala funkcionalnost pješačkih staza i svakodnevnu mobilnost građana, te smanjila rizik od nesreća na ovoj prometnoj dionici. Molim vas da ovu inicijativu prosljedite nadležnim organima i nadam se njenom pozitivnom prihvatanju.

Vijećnica **Karović Amra (u ime Kluba vijećnika SDP)** pokrenula je slijedeću inicijativu:

- 1/9.** Da se ulica P.O. Zvijezda u MZ Vogošća II, preorjentiše u jednosmjernu ulicu.

Obrazloženje:

Uspostavljanje jednosmjernog saobraćaja dovešće do poboljšanja u samom odvijanju saobraćaja. Vozači i drugi učesnici u saobraćaju će imati veću sigurnost. Jednosmjerne ulice omogućavaju brži i efikasniji tok vozila. Povećava se i sigurnost građana prilikom prelaženja ulice. Jednosmjernim tokom kretanja vozila otvara se veća mogućnost za slobodnim prostorom, koji se može iskoristiti za parkiranje vozila.

Vijećnik **Gluhović Alija (u ime Kluba vijećnika Naprijed BiH)** pokrenuo je slijedeću inicijativu:

- 1/10.** Pokrećem inicijativu da nadležna općinska služba pokrene postupak i potrebne procedure na postavljanju usporivača brzine u ulicu Stara Cesta I.

Obrazloženje:

Novi asfalt, nesavjesni vozači i djeca pješaci.

Vijećnik **Piknjač Admir (u ime Kluba vijećnika NIP)** pokrenuo je slijedeću inicijativu:

- 1/11.** U ime stanovnika MZ Hotonj, pokrećem inicijativu prema nadležnoj općinskoj službi da se u što kraćem roku poduzmu sve moguće radnje kako bi se izvršila rekonstrukcija i sanacija nadvožnjaka (pasarele) u Donjem Hotonju.

Obrazloženje:

Nadvožnjak, odnosno pasarela koja je namjenjena isključivo za prelaz pješaka preko magistralnog puta M-18 u Donjem Hotonju nalazi se u vrlo lošem i dotrajalom stanju. Željezna konstrukcija od čega je izgrađen jedan dio je dotrajala (korozirala) do te mjere da je pitanje dana kada bi se mogla urušiti, te samim tim doći do velike nesreće. U pitanju su životi svih stanovnika, odnosno djece koji istu koriste svakodnevno. Također, betonsko stepenište je u toliko lošem stanju da je još malo pa neprohodno. Svjedočimo i tome da je predmetna pasarela prije nekoliko godina pala na magistralni put i srećom osim materijalne štete, nije bilo štete na vozilima koja su prolazila ispod iste, niti je bilo nastradalih stanovnika, što je ogromna sreća tog momenta. Dakle, potrebno je hitno reagovati i ispitati nosivost i ispravnost pomenute pasarele, te izmjeniti gazišta koja su bukvalno istrula i prijete urušavanju kao i prekontrolisati ostale dijelove konstrukcije i sanirati stepenište, te tražiti od nadležnih izvođača radova atest tj. garanciju za ispravnost i sigurnost iste. Uz ovu inicijativu prilažem nekoliko slika pasarele u trenutnom stanju.

RUKOVODILAC
STRUČNE SLUŽBE ZA POSLOVE
OPĆINSKOG VIJEĆA I OPĆINSKOG
NAČELNIKA

Melisa Kršo